

SINDIKAT SREDNJEG I VISOKOG
OBRAZOVANJA, ODGOJA, NAUKE I
KULTURE BOSNE I HERCEGOVINE

KANTONALNI ODBOR
KANTON SARAJEVO



TRADE UNION OF THE SECONDARY
SCHOOL AND HIGHER EDUCATION
EMPLOYEES, BREEDING, SCIENCE
AND CULTURE OF BOSNIA AND
HERZEGOVINA

CANTON COMMITTEE
CANTON SARAJEVO

Dj. broj: 07-03-251-/24
Sarajevo, 05.06.2024. godine

OTVORENO PISMO ZASTUPNICIMA U SKUPŠTINI KANTONA SARAJEVO

Poštovane/i zastupnice/i Skupštine Kantona Sarajevo,

Kantonalni odbor SSVOONKBiH Kantona Sarajevo vas poziva da zaustavite usvajanje lošeg zakonskog rješenja koje se nalazi u Prijedlogu zakona o odgoju i obrazovanju u osnovnoj i srednjoj školi u Kantonu Sarajevo, a o kojem ćete odlučivati u ponedjeljak 10.06.2024. godine.

Predloženo rješenje kojim se uvodi obavezno srednje obrazovanje za svu djecu i lica do sticanja srednje stručne spreme, i to do 22 godine života, bez provedbenih propisa, uvodi anarhiju u srednje škole.

Predlaganje ovakvog zakonskog rješenja je urađeno tako da se javnosti i socijalnim partnerima uopće nisu predočila jasna obrazloženja zasnovana na ozbiljnim analizama dosadašnjeg zakonskog rješenja, ali i predviđanja šta nam takvo rješenje donosi u budućnosti.

Predstavljajući radnike u srednjem obrazovanju, iskazujemo veliku zabrinutost gdje nas takvo rješenje vodi, posebno u smislu sigurnog okruženja u srednjim školama kao preduslovu za odvijanje kvalitetnog obrazovanja.

Navodimo nekoliko mogućih situacija:

- Učenik koji svakodnevno zlostavlja druge učenike ili nastavnike neće moći biti isključen iz redovnog nastavnog procesa niti će mu se moći zabraniti kontakt sa ugroženom populacijom u srednjoj školi.
- Učenik ili osoba osuđena za ubistvo ili pokušaj ubistva, nakon odslužene kazne bi se obavezno obrazovala sa redovnim učenicima srednje škole.
- Dokazani pedofili bi se obavezno obrazovali zajedno sa redovnim učenicima srednje škole.
- Dileri opojnim sredstvima bi se obavezno školovali sa redovnim učenicima, te imali osigurano "radno mjesto".
- Učenici/e koji imaju zakonsko pravo sa 18 godina da se ožene/udaju ovim zakonom će se morati obavezno školovati sa redovnim učenicima srednje škole.
- Učenik koji ima 200, 300, 400 i više neopravdanih izostanaka sa nastave će se smatrati redovnim učenicom i morat će se i dalje redovno obrazovati.

Ovakvih primjera možemo navoditi u nedogled, a imajući u vidu provođenje dosadašnjeg Zakona o srednjem obrazovanju, gdje je obrazovanje obavezno do 18 godine i nije nam poznata nijedna izrečena sankcija predviđena za kršenje zakona, predlaganje ovakvog zakonskog rješenja je pravi nonsens. Ovo će u praksi značiti da učenici koji redovno ne pohađaju školu ili se ispišu iz nje,

